

103

16. júlí

Höfuðstól sjóðsins má aldrei skerða. Þegar sjóðurinn er orðinn kr. 10000.00 má verja allt að  $\frac{4}{5}$  hlutum af vöxtum hans, enda leggist umfram vextir og aðrar tekjur sjóðsins við höfuðstólinn.

5. gr.

Þeir ganga fyrir með styrk úr sjóðnum, sem lengst hafa starfað í iðn sinni, enda fylgi hverri umsókn meðmæli frá húsbændum umsækjanda, með rökstuðningi um gagnsemi utanfararinnar og yfirlýsingu um að ferðin sé fjárhagslega tryggð, að fenginni styrkveitingu.

6. gr.

Reikningsár sjóðsins er almanaksárið. Fyrir lok janúarmánaðar ár hvert skal stjórnin hafa samið reikning hans fyrir síðastliðið ár, og skal reikningurinn síðan endurskoðaður af löggiltum endurskoðara, er sjóðstjórnin nefnir til þess, til þriggja ára í senn.

Að lokinni endurskoðun skal birta reikninginn í Stjórnartíðindum.

7. gr.

Sjóðurinn veitir viðtöku gjöfum og áheitum.

8. gr.

Stjórn sjóðsins er þannig skipuð:

Meistarafélag járníðnaðarmanna í Reykjavík kýs einn mann, skólanefnd Iðnskólans í Reykjavík kýs einn og atvinnumálaráðherra skal beðinn að skipa einn mann. Skulu þeir allir kosnir til þriggja ára, frá 28. apríl að telja.

Stjórnin skiptir sjálf með sér verkum. Ef félagsskapur meistarara í járníðnaði eða skólanefnd Iðnskólans verða lögð niður, skal fela atvinnumálaráðuneytinu að tilnefna mann eða menn í stjórn sjóðsins, svo að hún verði fullskipuð.

9. gr.

Sjóðurinn tekur þegar til starfa.

Reykjavík, 28. apríl 1939.

Í stjórn sjóðsins samkvæmt stofnskjali.

Ben. Gröndal.

Helgi H. Eiríksson.

Ásg. Þorsteinsson.

104

16. júlí

Staðfesting ríkisstjóra á skipulagsskrá fyrir „Sjúkrasjóð Ólafsfjarðar“, útgefin á venjulegan hátt að mandatum af dóms- og kirkjumálaráðherra 16. júlí 1942.

Skipulagsskráin er þannig:

## SKIPULAGSSKRÁ

fyrir sjúkrasjóð Ólafsfjarðar.

1. gr.

Sjóðurinn hét áður Hjúkrunarsjóður Ólafsfjarðarhrepps. Hann er stofnaður af kvenfélaginu „Æskan“ í Ólafsfirði árið 1923 með 2000 króna gjöf. Eign sjóðsins nú er innstæða í Sparisjóði Ólafsfjarðar að upphæð kr. 6304.68.

## 2. gr.

104

16. júlí

Tilgangur sjóðsins er:

- a. að kaupa eða styrkja kaup á vönduðum rannsóknar- eða lækningatækjum til sjúkraskýlisins í Ólafsfirði, sem miða að því að fullkomna stofnunina sem sjúkrahús og séu til varanlegra nota;
- b. að styrkja konu til hjúkrunarnáms eða veita lán í því skyni að hún verði síðar starfandi í Ólafsfjarðarhreppi sem hjúkrunar- og hjálparkona á heimilunum.

## 3. gr.

Tekjur sjóðsins eru:

- a. vextir af innstæðu;
- b. gjafir.

## 4. gr.

Höfuðstól sjóðsins má aldrei skerða svo, að hann verði minni en 1000 — eitt þúsund — krónur.

## 5. gr.

Stjórn sjóðsins skulu skipa sóknarpresturinn og lögreglustjórinn (hreppstjórninn) í Ólafsfirði og auk þess 3 konur eða karlar, sem kvenfélagið kýs. Leggist kvenfélagið niður, skal hreppsnefnd Ólafsfjarðarhrepps kjósa þessa 3 meðstjórnendur.

Stjórn sjóðsins skal halda gerðabók og skulu þar færðir inn árlegir reikningar sjóðsins. Þar skulu einnig innfærðar allar ákvarðanir sjóðstjórnarinnar um styrkúthlutanir úr sjóðnum.

## 6. gr.

Leita skal konunglegrar staðfestingar á skipulagsskrá þessari.

## 7. gr.

Með skipulagsskrá þessari er úr gildi numin skipulagsskrá fyrir hjúkrunarsjóð Ólafsfjarðarhrepps, nr. 10 24. febrúar 1923.

Ólafsfirði, 7. febrúar 1942.

Í stjórn kvenfélagsins Æskan.

Jóhanna Magnúsdóttir.

Bjarnveig Helgadóttir.

Helga Sigurðardóttir.

## AUGLÝSING

105

17. júlí

um breyting á gjaldskrá vatnsveitu Dalvíkurþorps, nr. 40 3. júní 1938.

Í 4. gr. gjaldskrárinnar í stað „20%“ komi: 50%. Í sömu grein í stað „5%“ komi: 15%.

Gjaldskrárbreyting þessi staðfestist hér með samkvæmt vatnalögum nr. 15 20. júní 1923, sbr. lög nr. 129 9. desember 1941, til þess að öðlast þegar gildi, og birtist til eftirbreytni öllum þeim, sem hlut eiga að máli.

Atvinnu- og samgöngumálaráðuneytið, 17. júlí 1942.

F. h. r.

Vigfús Einarsson.

Páll Pálmason.